

ხელშეკრულება №113
სახელმწიფო შესყიდვის შესახებ
(გამარტივებული შესყიდვა)

ქ. თბილისი

22 აგვისტო 2017წ.

ერთის მხრივ, სსიპ - საქართველოს ინტელექტუალური საკუთრების ეროვნული ცენტრი - „საქპატენტი“ (შემდგომში - „შემსყიდველი“), წარმოდგენილი მისი საფინანსო დეპარტამენტის უფროსის მოვალეობის შემსრულებლის თამარ კუკულავას სახით, და შპს „იუ-ჯი-თი“ (შემდგომში - „მიმწოდებელი“), წარმოდგენილი მისი გენერალური დირექტორის ერმილე სულაძის სახით, ორივე ერთად წოდებული როგორც „მხარეები“, ემოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის 10¹ მუხლის მე-3 პუნქტის „დ“ ქვეპუნქტის, 2015 წლის 20 იანვრის საქართველოს მთავრობის #38 განკარგულების, საქართველოს მთავრობასა და კომპანია მაიკროსოფტს შორის 2015 წლის 23 იანვარს გაფორმებული მაიკროსოფტ ბიზნეს და სერვის შეთანხმებისა (Microsoft Business and Service Agreement), შემდგომში - „MBSA შეთანხმება“, Enterprise Agreement-ის, 2015 წლის 16 ივნისის საქართველოს მთავრობის N1235 განკარგულების, 2015 წლის 30 იანვარს სსიპ „საფინანსო-ანალიტიკურ სამსახურსა“ და კომპანია მაიკროსოფტს შორის გაფორმებული Enterprise Enrollment (Indirect) - X20-10471“ შეთანხმების საფუძველზე ვაფორმებთ წინამდებარე ხელშეკრულებას:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „ლიცენზია“ ან „ლიცენზიები“ - წინამდებარე ხელშეკრულების მე-3 მუხლით გათვალისწინებული ხელშეკრულების საგანი.
7. „მწარმოებელი“ - კომპანია მაიკროსოფტი (Microsoft Ireland Operations Ltd);
8. „მომხმარებელი“ - შემსყიდველის კუთვნილი მოწყობილობა ან მათთან დასაქმებული ფიზიკური პირი, რომელიც ისარგებლებს „ლიცენზიით“.
9. „სალიცენზიო პირობები“ - მწარმოებლის მიერ დადგენილი, „MBSA შეთანხმებით“ გათვალისწინებული პირობები მწარმოებლის პროგრამული უზრუნველყოფის გამოყენების შესახებ.

2. ლიცენზიების აღწერა

შემსყიდველი ახორციელებს დამატებითი ლიცენზიების (ლიცენზიების პირველი წლის Microsoft True-Up-ით დამატება) შესყიდვას 2015 წლის 16 ივნისის საქართველოს მთავრობის N1235 განკარგულების საფუძველზე. მწარმოებლის სალიცენზიო პირობებისა და წინამდებარე ხელშეკრულების თავში

მოხსენიებული შეთანხმებების შესაბამისად დანართი N1-ში მოცემული ლიცენზიები აძლევს შემსყიდველს მაიკროსოფტის პროგრამული უზრუნველყოფით სარგებლობის უფლებას;

3. ხელშეკრულების საგანი

წინამდებარე ხელშეკრულებაზე თანდართული დანართი N1-ით გათვალისწინებული ლიცენზიების მიწოდება (CVP – 48620000).

4. მხარეთა უფლება-მოვალეობები

4.1. მიმწოდებელი ვალდებულია უზრუნველყოს წინამდებარე ხელშეკრულების დანართი N1-ით გათვალისწინებული ლიცენზიების შემსყიდველისათვის გადაცემა 9.2 პუნქტის შესაბამისად გადახდიდან არაუგვიანეს 21 (ოცდაერთი) დღისა, იმ შემთხვევაში, თუ შემსყიდველის მიერ დაცული იქნება წინამდებარე ხელშეკრულების 4.4. პუნქტის პირობა. ლიცენზიების გადაცემა ხორციელდება Microsoft VLSC პორტალზე აქტივაციის გზით, პორტალზე წვდომის უზრუნველყოფას ახორციელებს სსიპ „საფინანსო-ანალიტიკური სამსახური“ 2015 წლის 16 ივნისის საქართველოს მთავრობის N1235 განკარგულების შესაბამისად;

4.2. მიმწოდებელი ვალდებულია წინამდებარე ხელშეკრულების გაფორმებიდან არაუგვიანეს 5 (ხუთი) სამუშაო დღისა განახორციელოს შემსყიდველისათვის საავანსო გადახდის საბანკო გარანტიის წარდგენა;

4.3. შემსყიდველი ვალდებულია, განახორციელოს ანგარიშსწორება ამ ხელშეკრულებით გათვალისწინებული პირობებისა და ვადების შესაბამისად;

4.4. შემსყიდველი ვალდებულია 2015 წლის 16 ივნისის საქართველოს მთავრობის N1235 განკარგულების მე-7 პუნქტის შესაბამისად განახორციელოს შესყიდული ლიცენზიების თაობაზე შესაბამისი ინფორმაციის (ლიცენზიების დასახელება და რაოდენობა) სსიპ „საფინანსო-ანალიტიკური სამსახურისათვის“ მიწოდება წინამდებარე ხელშეკრულების გაფორმებიდან არაუგვიანეს 10 (ათი) დღისა;

4.5. მხარეები კისრულობენ ვალდებულებას წერილობით ან/და ელექტრონული ფოსტის (მიმწოდებლის ელექტრონული ფოსტის მისამართი: levan.dadiani@ugt.ge; შემსყიდველის ელექტრონული ფოსტის მისამართი/საკონტაქტო პირი: nkiasashvili@sakpatenti.org.ge (ნიკოლოზ ყიასაშვილი) და gjavakhishvili@sakpatenti.org.ge (გიორგი ჯავახიშვილი) მეშვეობით აწარმოონ ხელშეკრულებასთან დაკავშირებული ნებისმიერი მიმოწერა.

5. ხელშეკრულების ღირებულება

5.1. ხელშეკრულების ღირებულება შეადგენს 7,965.00 (შვიდიას ცხრაასსამოცდახუთი აშშ დოლარი) აშშ დოლარს;

5.2. ხელშეკრულების ღირებულება მოიცავს როგორც ლიცენზიების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს;

5.3. ანგარიშსწორება ხორციელდება ლარში გადახდის დღეს არსებული ეროვნული ბანკის მიერ დადგენილი გაცვლითი კურსის შესაბამისად;

5.4. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

5.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

6. ხარისხი

ხელშეკრულებით გათვალისწინებული ლიცენზიების ხარისხი უნდა შეესაბამებოდეს აღნიშნულ სფეროში დადგენილ სტანდარტებს.

7. ხელშეკრულების შესრულების კონტროლი

7.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში, შემსყიდველის მოთხოვნის შესაბამისად;

7.2. ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირი ან/და პირთა ჯგუფი, ან კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი);

7.3. ინსპექტირების შედეგად აღმოჩენილი ხარვეზის შემთხვევაში, მიმწოდებელი ვალდებულია წერილობითი შეტყობინებიდან 30 (ოცდაათი) დღეში გამოასწოროს წუნი, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული საქონლის ღირებულება.

8. მიღება-ჩაბარების წესი

8.1. ლიცენზიების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელმოწერის საფუძველზე;

8.2. შემსყიდველის მხრიდან ლიცენზიების მიღებას აწარმოებს საინფორმაციო ტექნოლოგიების განყოფილების უფროსი ნიკოლოზ ყიასაშვილი.

9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2. შემსყიდველი იღებს ვალდებულებას გადაუხადოს მიმწოდებელს ხელშეკრულების ღირებულების 100%, საავანსო გადახდის საბანკო გარანტიის წარდგენიდან 5 (ხუთი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

10. საავანსო საბანკო გარანტია

10.1. მიმწოდებლის მიერ წარმოდგენილი საავანსო საბანკო გარანტია, შემსყიდველის მიერ შეიძლება გამოყენებულ იქნეს, იმ შემთხვევაში თუ მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას საავანსო საბანკო გარანტიის მოქმედების ვადის გასვლამდე.

10.2. საავანსო საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულებით გათვალისწინებული ლიცენზიების მიწოდების ვადას.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ,

რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-13 მუხლის შესაბამისად.

12. ხელშეკრულების პირობების შესრულებლობა

12.1. ხელშეკრულებით გათვალისწინებული ვადების დარღვევის შემთხვევაში მხარე უფლებამოსილია დააკისროს დამრღვევ მხარეს პირგასამტეხლო ხელშეკრულების ღირებულების 0.2%-ის ოდენობით ყოველ ვადაგადაცილებულ დღეზე;

12.2. წინამდებარე ხელშეკრულების მე-7 მუხლის მე-3 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე შესრულებელი ვალდებულების ღირებულების 0.1%-ის ოდენობით.

12.3. იმ შემთხვევაში, თუ მხარეზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, მეორე მხარე იტოვებს უფლებას შეწყვიტოს ხელშეკრულება და მოთხოვოს დამრღვევ მხარეს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

12.4. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

13. ხელშეკრულებაში ცვლილებების შეტანა

13.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14. დავების გადაწყვეტა

14.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2. თუ ასეთი მოლაპარაკების დაწყებიდან 15 (თხუთმეტი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

15. ხელშეკრულების შეწყვეტა

15.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

15.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

15.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. ხელშეკრულების მოქმედების ვადა

16.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრამდე.

16.2. ხელშეკრულების შეწყვეტისას, ლიცენზიებით შემდგომი სარგებლობის, შეცვლისა და გაუქმების საკითხები რეგულირდება MBSA შეთანხმებისა და მწარმოებლის სალიცენზიო პირობების შესაბამისად;

17. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.

18. მხარეთა რეკვიზიტები:

შემსყიდველი

სსიპ - „საქპატენტი“
ს/კ - 203831363
მისამართი: ქ. მცხეთა, ანტიოქიის ქ. №5
საბანკო რეკვიზიტები: სახელმწიფო ხაზინა
ხაზინის ერთიანი ანგარიში
ბანკის კოდი: TRESGE22
სახაზინო კოდი/ანგარიშის ნომერი:
707807132

მიმწოდებელი

შპს „იუ-ჯი-თი“,
მისამართი: საქართველო, ქ. თბილისი,
ი.ჭავჭავაძის გამზ. N17ა,
ს/ს-204892964
ტელეფონი: 222-05-05,
საბანკო რეკვიზიტები:
ანგ. №GE88BG0000000261644601,
სს „საქართველოს ბანკი“, კოდი BAGAGE22,



ხელშეკრულება № 113

სახელმწიფო შესყიდვის შესახებ

22 აგვისტო 2017წ.

დანართი N1

აღწერილობა	ცალი	ფასი	ჯამური ფასი
Microsoft®Professional Desktop AllLng License/SoftwareAssurancePack MVL 1License - (Windows, Office Pro Plus, Core CAL)	18	\$ 375	\$ 6,750

სულ ჯამი: \$ 6,750.00

სულ ჯამი დღგ-ს ჩათვლით: \$ 7,965.00

შემსყიდველი

სსიპ - „საქპატენტი“

ს/კ - 203831363

მისამართი: ქ. მცხეთა, ანტიოქიის ქ. №5

საბანკო რეკვიზიტები: სახელმწიფო ხაზინა

ხაზინის ერთიანი ანგარიში

ბანკის კოდი: TRESGE22

სახაზინო კოდი/ანგარიშის ნომერი:

707807132

მიმწოდებელი

შპს „იუ-ჯი-თი“,

მისამართი: საქართველო, ქ. თბილისი,

ი.ჭავჭავაძის გამზ. N17ა,

ს/ს-204892964

ტელეფონი: 222-05-05,

საბანკო რეკვიზიტები:

ანგ. №GE88BG0000000261644601,

სს „საქართველოს ბანკი“, კოდი BAGAGE22,



თ. კუკულაძე



სულაძე



საავანსო გადახდის საბანკო გარანტია # ADV41140-17

თბილისი

23 აგვისტო 2017 წელი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს იუ-ჯი-თი (შემდგომში „პრინციპალი“)

პრინციპალის საიდენტიფიკაციო კოდი: 204892964

პრინციპალის მისამართი: საქართველო, ქ. თბილისის ვაკის რაიონში, ჭავჭავაძის გამზირი, №17ა

ბენეფიციარი: სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „ბენეფიციარი“)

ბენეფიციარის საიდენტიფიკაციო კოდი: 203831363

საგარანტიო თანხა: 7,965 (შვიდი ათას ცხრაასსამოცდახუთი) აშშ დოლარი

ჩვენთვის ცნობილი გახდა რომ, პრინციპალსა და ბენეფიციარს შორის გაფორმდა (22 აგვისტო 2017 წელი; #113) ხელშეკრულება და დანართი #1 (შემდგომში „ხელშეკრულება“), რომლის თანახმადაც პრინციპალმა უნდა განახორციელოს დანართი #1-ით გათვალისწინებული ლიცენზიების მიწოდება. ზემოხსენებული ხელშეკრულების პირობებით გათვალისწინებულია წინასწარი ანგარიშსწორება ხელშეკრულების მთლიანი ღირებულების 100%-ის ოდენობით, იმ შემთხვევაში, თუ პრინციპალი წარუდგენს ბენეფიციარს საბანკო გარანტიას მოთხოვნილი ავანსის ეკვივალენტ თანხაზე ანუ 7,965 (შვიდი ათას ცხრაასსამოცდახუთი) აშშ დოლარზე.

ყოველივე ზემოაღნიშნულის გათვალისწინებით იმ შემთხვევაში, თუ პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტი კისრულობს გამოუთხოვად ვალდებულებას ბენეფიციარის წერილობითი მოთხოვნის წარმოდგენის საფუძველზე, აუნაზღაუროს მას ნებისმიერი თანხა ან თანხები, მაგრამ არაუმეტეს ჯამში 7,965 (შვიდი ათას ცხრაასსამოცდახუთი) აშშ დოლარის ოდენობით.

წინამდებარე საბანკო გარანტია ძალაში შედის ბენეფიციარის დავალებით სს „საქართველოს ბანკში“ პრინციპალის #GE88BG000000261644601 ა/ანგარიშზე ჩარიცხული საავანსო თანხის ექვივალენტი აშშ დოლარის პროპორციულად, ჩარიცხვის დღეს საქართველოს ეროვნული ბანკის მიერ დადგენილი ოფიციალური აშშ დოლარი/ლარის გაცვლითი კურსის შესაბამისად.

გარანტიის მოქმედების ვადა არის: 15 ნოემბერი 2017 წელი შესაბამისად წინამდებარე გარანტია მოქმედებს აღნიშნული თარიღის ჩათვლით. აღნიშნულიდან გამომდინარე ნებისმიერი მოთხოვნა ან პრეტენზია, გარანტის მიერ მიღებულ უნდა იყოს საბანკო გარანტიის ვადის გასვლამდე მისამართზე: სს „საქართველოს ბანკი“ (ს/კ: 204378869), სათაო ოფისი, გაგარინის ქ. #29ა, თბილისი 0160, საქართველო, თბილისის დროით (UTC/GMT +04:00 hours) 17:00 საათამდე, კანცელარიის სამსახურში. ვაჭრობის ფინანსირების დეპარტამენტის საყურადღებოდ.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებული იქნება მოთხოვნილი თანხა ციფრბრუნად და სიტყვიერად, საბანკო რეკვიზიტები და ის გარემოება, რომლის გამოც ხდება მოთხოვნის წარმოდგენა. მოთხოვნას თან უნდა ახლდეს მოთხოვნაზე ხელმოწერილი პირის ხელმოწერაზე უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და წინამდებარე საბანკო გარანტიის ასლი.

წინამდებარე საბანკო გარანტიის თანხა ავტომატურად მცირდება პრინციპალსა და ბენეფიციარს შორის გაფორმებული შუალედური/საბოლოო მიღება-ჩაბარების აქტებში მითითებული სამუშაოების/საქონლის ღირებულების 100%-ის ოდენობით, რომელთა ორიგინალი ან სანოტარო წესით დამოწმებული ასლები უნდა წარედგინოს გარანტს შემდეგ მისამართზე: გაგარინის ქ. #29ა, თბილისი, 0160, საქართველო.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით.
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატივისცემით,

ეთერ ჩხეიძე

გარანტიების სამსახურის უფროსი

204378869